

h. 10, 47.

Vd
1870

TEMPLVM FELICITATIS
SERENISSIMO ATQVE POTENTISSIMO
PRINCIPI AC DOMINO
DOMINO
FRIDERICO
AVGVSTO

POLONIARVM REGI ET ELECTORI
SAXONIAE ETC. ETC. ETC.

PATRI PATRIAE CLEMENTISSIMO

OB

FELICITATES PLVS TRINAS PVBLICAS

ANNO PRAETERITO dō 15 CC XXXVIII

OCTONARII NVMERI CAUSA PERQVAM OMINOSO

DIVINA PROVIDENTIA PERCEPTAS

IPSI RECENTIS ANNI KALENDIS IANVARIIS

EXSTRVCTVM

SOLEMNIQVE ACCLAMATIONE

INSCRIPTVM

A

REGIO-ELECTORALIVM BENEFICIORVM ALVMNO

QVODAM OMNIVM DEVOTISSIMO

HVMILLIMOQVE SERVO

M. SIGISMVNDQ FRTZSCHIO

LENGEFELDA - MISN. R. M. C.

VITEMBERGAE A. O. R. dō 15 CC XXXVIII.

LITERIS EPHRAIM GOTTLOB EICHSFELDII

ACADEMIAE TYPOGRAPHI.



L. 10, 47.

Vd
1870

TEMPLVM FELICITATIS
SERENISSIMO ATQVE POTENTISSIMO
PRINCIPI AC DOMINO
DOMINO
FRIDERICO
AVGVSTO

POLONIARVM REGI ET ELECTORI
SAXONIAE ETC. ETC. ETC.
PATRI PATRIAE CLEMENTISSIMO

OB
FELICITATES PLVS TRINAS PVBLICAS
ANNO PRAETERITO MDCCCXXXVIII
OCTONARII NVMERI CAUSA PERQVAM OMINOSO
DIVINA PROVIDENTIA PERCEPTAS
IPSI RECENTIS ANNI KALENDIS IANVARIIS
EXSTRVCTVM
SOLEMNIQUE ACCLAMATIONE
INSCRIPTVM

A
REGIO-ELECTORALIVM BENEFICIORVM ALVMNO
QVODAM OMNIVM DEVOTISSIMO
HVMILLIMOQVE SERVO
M. SIGISMVNDQ FRTZSCHIO

LENGEFELDA - MISN. R. M. C.

VITEMBERGAE A. O. R. MDCCCXXXVIII.

LITERIS EPHRAIM GOTTLOB EICHSFELDII
ACADEMIAE TYPOGRAPHI.



1052

10. 10. 10.


FRIDERICO DOMINO PRINCIPALIS DOMINI SERRISSIMO AVOE POTENTISSIMO

NON EGO PHIDIACO CAELATVM MARMORE TEMPLVM,
NON, STATVI, NITIDVM QVOD LOCVPLETET EBVR.
HOC THASIO SOLERS FACIAT POLYCLETVS IN AVRO,
AVT AD STRVCTVRAS INGENIOSA MANVS.
EXIGVAM MOLEM PERITVRAM DEDICO CHARTAM:

SVNT ETIAM CVRAE MVNERA PARVA DEO.
MARMOR, EBVR, COELO MINITANTIA SAXA FATISCVNT,
SED MANET AETERNVM, QVOD PIA FAMA CANIT.

M. SIGISMUNDO FRITZSCHIO

FRITZSCHIO GOTTLOB RICHARDUS



FELICITER! FELICITER! FELICITER! POTENTISSIMO SERENISSIMOQVE REGI POLONIARVM, ET ELECTORI SAXONIAE, DOMINO, AC PATRI PATRIAE NOSTRO BENIGNISSIMO, TOTIQVE DOMVI AVGVSTAE, PERPETVO FELICITER! Hac solemni acclamatione diuturni silentii, quo partim imbecillitate, partim uerecundia, seruus subiectissimus hucusque sum usus, finem hodiernus dies attulit; idemque initium, quae uellem, quaeque sentirem, de memorandis SAXONICIS anni iam praeterlapsi FELICITATIBVS dicendi. Tanta nimirum istius anni notatu digna, tantique SVMMINVMINIS in SERENISSIMAM REGIO-ELECTORALEM PROSAPIAM fauores sese manifestarunt, ut eos tacitus nullo modo praeterire ualerem. Illam igitur in praesentia Sophorum apud Indos ruminari mihi liceat consuetudinem, qua omne, praeterito anno memorabile factum, literis consignabant, ac die quaque recentis anni prima, strenae instar, Regi suo, quem munificentissimum sibi semper nouerant, offerendo consecrabant. Idem hac prima recentis anni die praestare, REX INDVLGENTISSIME, ego, inter Sophos, quos Regia TVA munificentia fouet, alumnus omnium deuotissimus, quam humillima mente conor. Sed enim uero, cui tantum est flumen ingenii, cui dicendi aut scribendi tanta uis, tantaque copia, quae, non dicam exornare, sed enarrare prouidentiae diuinae monimenta, in SERENISSIMAM DOMVM TVAM, hactenus magnificentissime conspicua, possit; Tamen balbutiens hoc affirmo, et hoc, pace TVA, dicam, nullum REGIO STEMMATI TVO memorabiliorem esse annum, nullum gestarum rerum momentis

infigniorem, quam illum ipsum, quem, DEI gratia, felicissimis ominibus, hodie perficiendo antiquamus. Sic est, si fatale quid certis quibusdam numeris, temporibus, atque annis communiter tribuatur, tempusque et fortuna cunctis interueniat; in OCTONARIO numero, ac inprimis quidem *absoluti* iamiam anni CIOIO CCXXXVIII, tot feliciter facta deprehendo, ut uerear, ne hoc, quod de maximis eorum dicam, non perinde intelligi auditu possit, atque ego ipse cogitans sentio; quum omni uerborum pompa, omnique laudis genere multo maiora sint, multoque praestantiora. Mirentur alii, quid diui, quid fatalis insit QVINARIO numero, si ad Imperatorum, DIVI LEOPOLDI, et INVICTISSIMI CAROLI VI, maxime fortunata accomodetur euenta: OCTONARIUM profecto, DOMVI TVAE AVGVSTAE non minus illustrem ac ominosum semper extitisse, iucundissimum erit declaratu. Istum appello numerum, quem omnium maxime laudant uitalem, his quidem de causis, quod octo tantum in arca illa Noachica conseruatae sint animae, ac totidem ex morte resuscitati, sacris in Pandectis, relati generatim legantur. Istum appello numerum, de quo Graiorum populis solemnem haec olim formula fuit: ΑΗΑΝΤΟΚΤΩ: OMNIA OCTO: significaturis, hunc numerum, instar octonarii cuiusque in Musica toni, BLANDISSIMUM esse omnium, PERFECTISSIMUMQUE. Istum appello numerum, cuius splendor uel in ipsa uoce OCTONARIA: AVGVSTVS: fit illustrissimus, quippe quae uox sua sponte germanice VVAS GVTS quam uerissime ominatur. Quem admodum enim CAROLUS et FERDINANDOS suos AVGVSTA Domus Austriae; GEORGIOS et GVILIELMOS Anglia; LVDOVICOS Gallia; FRIDERICOS Borussia et Marchia Brandenburgica, felices semper uidit, et adhuc extollit; ita DOMVS SAXONICA, de suorum AVGVSTORVM felicitate potissimum, nullom

non

non tempore gaudebit. Verum, ut modo pronuntiatis
fumum, uel illustrisimis DOMVS TVAE, FOR-
TVNATISSIME AVGVSTE, exemplis, addatur
pondus, quam benignissime permittas. Atque in his,
antiquiora si repetere simul liceat, primum illud uere
nuncuparem FAMILIAE TVAE AVGVSTAE
BLANDISSIMVM PERFECTISSIMVM^{QVE} momentum, ubi an-
no, post recuperatam orbis salutem, CIO IO XXXVIII,
ALEXANDER ille SAXONICVS, MAVRITIVS, in quo, dum
uiueret, MARS semper VIXIT, ex STEMMATE TVO
primus, acceptam a Patre gloriam ELECTORALI
auxit DIGNITATE, quam uidelicet possidendi, ab
Imperatore, CAROLO V, die vi. Cal. Martias anni
celebrati, in Comitiiis Augustanis, solemnii ritu formu-
laque, ius accepit. Qualis quidem dignitas huic Prin-
cipi iam antea, Italos uisitanti, cum Pater nondum pos-
sideret ditiones, per hoc Maronis ualde memorandum
fuerat praedieta fortilegium:

- - - Curibus paruis, et paupere terra,
Missus in imperium magnum.

Sed enim uero hunc numerum OCTONARIVM, eodem
anno, magis conspicuum reddebat Mauritiu frater ger-
manus, AVGVSTVS, per genialis tori sacra, cum Re-
gia Principe, ANNA, CHRISTIANI III, Danorum
Regis, filia, quam fortunatissimis auspiciis, Torgauiae
percelebrata: qua in pompa nuptiali magnificentissi-
mum uidebatur, quod ipsum matrimonii sanctissimi uin-
culum, a Concionatore Principe, GEORGIO Anhal-
tino, Praeposito tum Magdeburgensi, copularetur, per-
orata quidem insimul concione ἐπιθαλαμια. Ab hoc
AVGVSTO dein, confecto numero Septemuirum
Saxonicorum septenario, ad IOANNEM GEOR-
GIVM IIII usque pertinente, OCTONARIVS ille rur-
sum NOVO FELICITATIS sidere clarior PERFECTIOR^{QVE} ef-
fulsit, cum uidelicet Gloriosissimae memoriae PA-

RENS TVVS, AVGVSTVS M., ad tiaram Ele-
ctoralem REGIAM insuper promeruit CORO-
NAM; ubi deuotissimus quidam ciuis, ex horum uer-
borum: FRIDERICVS AVGVSTVS, ELE-
CTOR SAXONIAE: concinne admodum facta
traiectione, sequentem expiscabatur mysterii plenum
sensum, de TE simul uel optime testantem: EGO SA-
LVS TERRIS DIVINA VOCE REX FACTVS; quam pro-
fecto a Parente partam Coronam TV ANIMI LENITA-
TE, maximo Regiae Coronae cimelio, nec non AMORE
IN GENVS HVMANVM, summus qui perfectae maiestatis
est gradus, ita tueris atque illustras, ut illud Poëtae,
summis plaufibus TIBI merito acclametur:

*Sunt TIBI regna PATRIS MAGNI, sunt oppida capta
Absque manu: nec non aurumque, animusque AVGVSTO est.*

Verum enim uero completi nunc *anni*, ut certum est,
tricesimi octau FELICITATES, a NVMINE SVPRE-
MO, SERENISSIMAE DOMVI TVAE concess-
fas, publicas, humillima mente deuenerari, potissimum
mihi iam sumam. Haec, quod dixi, tantae sunt, ut eun-
dem fere in modum, ac PHILIPPVS, Rex Macedonum,
nimia fortunae blandimenta quasi paullulum indigne-
ris; quandoquidem, sicut isti haec tria: Filii, Ale-
xandri M., *Natales; Victoriam* de urbe Polidea; et
Praemium, per equos ipsius, in puluere Olympiaco, re-
portatum; tanquam ad unum diem collecta, simul elar-
giebatur illa ipsa rerum humanarum domina: ita TIBI
plus triplicem, hoc uno anno, tribuit FELICITATEM,
illam Philippi quam longissime exsuperantem. TER-
NAM tamen, cum trina sint perfecta, ex illis fere innu-
merabilibus, hic nominasse sufficiat. Omnium primum
FELICITATIS publicae documentum sit, quod ipsum
tempus ordinabat, auspicatissimum illud CONNVBIVM
Regiae Principis, filiae TVAE, maximae natu, MA-
RIAE AMALIAE, cum Rege Hierosolymorum
ac

ac utriusque Siciliae, CAROLO, Hispaniarum Infante, ita coelitus directum, ut summi terrarum orbis Principes, huic fortunatissimo uinculo certatim applauderent; illustrissimum hoc spectaculum solemnibus suis gratulationibus illustrius redderent; et, AMALIAM TVAM, corporis animique dotibus admirabilem; AMALIAM, cui DEVS regium animum, TV Ipse regiam stirpem, Virtus regium titulum, cum ipsis regnis, contulerunt; AMALIAM, quam CAROLVS uehementissimo desiderii feruore expectans, uix expectare poterat; uiridarium illud ac rosarium Italiae, Neapolitanum regnum, pede felicissimo, demum intrasse, concordibus animis gauderent. Scilicet Principum connubia non in uno aut altero homine, neque in una aut altera familia subsistunt, sed ad omnes pertinent, ad omnium fortunas et decora, ad omnium denique uitam salutemque spectare uidentur. Hac uia ex iure illo, iam a temporibus MARGARETHAE, Imperatoris FRIDERICII, Siciliarum Regis, filiae, Marchioni Misnico, ALBERTO, nuptum datae, praesumpto, suas has esse terras, multo maiori cum fidentia, nunc Saxonia contendere potest. Nil enim plane possidet CAROLVS, Rex, Gener, quod non, pro incredibili amore suo, proprium esse Reginae, AMALIAE, filiae TVAE, atque adeo TOTI simul STEMMATI TVO SERENISSIMO, uelit atque contendat. Regis igitur OPTIMA FILIA quum Regis OPTIMO FILIO, meritis suis, facta sit digna, de FIDE, DECORE, PIETATE, ceterisque regis laudibus HORVM pariter, ac felicissimorum utrorumque PARENTVM, qui ciuibus suis, utrinque fidelissimis, haec gaudia fecerunt, nulla unquam aetas conticescet. Ceterum in tanta praeconiorum solemnium multitudine, inque tot ardentissimis uotis, quibus ciuium subiectissimorum quisque deuotissimum, de hac ARBORE noua CONIUGALI, animum significare gestiuit, semperque gestiet, hoc, demississima mente, iamiam adiungere meum liceat optatum:

B

Ex-

*Exeat ad coelum ramis felicibus arbor,
Mireturque nouas frondes!*

Hic silentio haud praetereundum duco, quod centum exacte tunc abhinc annis, CIO IO CXXXVIII., idem numerus OCTONARIUS, in eiusmodi publicae FELICITATIS genere, Proauo TVO Gloriosissimae memoriae, IOANNI GEORGIO II., BLANDISSIMVS fortunatissimusque euenit, quando Marchionis Brandenburgico-Culmbacensis, CHRISTIANI, filiam, MAGDALENAM SIBYLLAM, arctissimo matrimonii foedere iunctam, domum deduxit, ac uitae torique sociam ita foecundam habuit, ut ex ea, successu temporis, alii duo GEORGII, AVGVSTI duo, et nouem alii PRINCIPES REGIO-ELECTORALES, posteri spectarentur felicissimi, TVAQVE DIVA STIRPS, quod DEVS IMMORTALIS uelit, prorsus immortalitati nunc consecrata uideatur. Sed alterum FELICITATIS publicae monumentum, REGIAE DOMVS TVAE proprium, porro demirari licebit. Felicissimos nomino NATALES PRINCIPIS REGIO-ELECTORALIS, quem in liberis TVIS uere Porphyrogenetam appelles primum, in quem illud Maronis conuenire uidemus, quod sit *Cara DEVM SOBOLIS, magnum PATRIS incrementum.*

HOC SERENISSIMO, RECENS IN LVCEM EDITO, PRINCIPE, certius luculentiusque declaratur, quod DEVS OPT. MAX, qui uteri clauis, ceu summum ius quoddam Regium, sibimet soli reseruauit, REGINAM nostram SERENISSIMAM, sanctissimam TVAM Coniugem, MARIAM IOSEPHAM, generis Regii et Electoralis Saxonici, auctorem foecundissimam, ut olim Archiducem Auftriacam, MARGARETHAM, Electoris FRIDERICI, PLACIDI, maritam, in commune ciuium fidelissimorum gaudium atque solatia, constitutam benignissime uoluerit. Certe in tot publicis solemnibusque acclamationibus, et ego, religione quidem obsequentiissimi animi ductus, uotiuus
DE-

DEVM ALTISSIMVM supplex infimul oro label-
lis, ut RVTA SAXONICA, uelut purpureus ama-
rantus, omnis marcoris experts, perpetuo magis magis-
que floreat, quo, sub istius umbra, et totus Reipublicae
ager magis floreat, uigeat atque perennet; Praeterea
STIRPS AVGVSTA nunquam deficiat; omnium
bonorum abundantia et ubertas cumulatissime semper
adfit; RECENSQVE NATVS PRINCEPS SERENISSIMVS
Maiorum suorum fortunam, gloriam, et Principatus, mul-
tis insuper accessionibus amplius dilatandos, una cum
FRATRIBVS suis, PRINCIPIBVS SERENISSIMIS, aliquan-
do consequatur possideatque. Verum, mihi, cuncta haec
demississime gratulanti, uenit in mentem, istius anni
OCTONARIJ simul recordari, in quem magnificentissi-
mi natales IOANNIS GEORGII IIII., Patruj
TVI Gloriosissimae memoriae, incidebant, anni sci-
licet CIO IO CLXVIII., eiusque diei,

- - - - - MAGNI quae conscia partus
PRINCIPIS HVIVS erat, summaque nota dabat.

HIC profecto quidem, sapientissima mitissimaque gu-
bernatione, terrarum orbi demonstrasset, quanta, quam-
que excellentis gloriae, facinora de illo fuissent expe-
ctanda, si multorum annorum seriem emetiri diuinitus
illi fuisset concessum. Quae tamen omnia PATER
TVVS, cuius nomen immortale permanebit, AVGV-
STVS M., clementia sua, bonitate, ac uenerabilis oris
maiestate, qua omnium oculos in sui conuertebat ad-
mirationem, omniumque amorem sibi conciliabat, prae-
standa sustinuit, sustentaque sic direxit, ut in TE, ima-
gine sui simillima, quam auspiciousissime cuncta perfice-
rentur. Sed tertium publicae FELICITATIS ac pro-
uidenciae diuinae documentum, in REGIAM DO-
MVM TVAM, praeterito anno CIO IO CCXXXVIII., pa-
tesfactum, multo illustrisimum euasit in tot regionum
DVCATVS MARTISBURGENSIS recuperatione, post DIVI

HENRICI, ad quem unum redacta fuerat STIRPS
CHRISTIANA, uitae excessum, plenarie concessâ; quum,
propter regionum, post Electorem IOANNEM GE-
ORGIVM I., subortam diuisionem, Ducatus hic, ul-
tra LXXX nunc annos, a DOMO ELECTORALI
separatus extitisset. Sic PATRE TVO MAGNO
IPSE MAIOR euadis, dum regiones, soli TIBI reli-
ctas, cum multis admodum aliis FELICISSIMVS coniu-
ngis, felicissime coniunctas OPTIMVS retines, optime re-
tentas SAPIENTISSIMVS gubernare soles. Quanto hinc
gaudio, quantisue tripudiis non delibuta est omnis pro-
uincia, de tanto PATRE PATRIAE nouiter coeli-
tus sibi dato? Quanto ardore pro TVA sacratissima
incolumitate, pro TOTIVS REGIAE GENTIS
flore, pro nuper DESPONSATORVM PRINCI-
PVM REGIORVM felicitate, DEVM, regnorum
in his terris omnium diribitorem iustissimum, non de-
precat, atque de acceptis beneficiis publicas solen-
nesque IMMORTALI NVMINI supplicationes
non instituere solet? Vident enim nouae ciuium pha-
langes, TE, REX INDVLGENTISSIME, quem

GRATIA, FORMA, DECVS, PIETAS, CLEMENTIA, CANDOR,
SVBLIMEM COELI FVLGENTIBVS INTVLIT ASTRIS,

TE, inquam, nil, quam ut salua sit omnis Respublica,
uelle; TE uelle, ut cuique suum detur, dicetur et ad-
dicatur; TE uelle, ut omni generi, omnique ordini sem-
per sit bene; Ut adeo haec sententia: PRINCIPEM BENI-
GNVM ET PATREM INDVLGENTISSIMVM VNVM ESSE
DEBERE: cordi TVO sanctissimo penitus inculpta ui-
deatur; Quod certe sapientissimum enunciatum DIVVS
FRIDERICVS, SAPIENS cognomento, literis inau-
ratis, cubiculi sui parietibus, imprimendum aliquan-
do curârat. Spectant TE populi TVI SOLEM su-
um, ad quem, solisequiorum instar, omnes se conuer-
tunt, ac TIBI, quod olim CLEMENTI XI, Pontifici
Maxi-

Maximo, accidebat, unanimiter acclamare gaudent:
 CLEMENS ES CVNCTIS. Certissime credunt, tanta
 TVA, OPTIMI PRINCIPIS, in semetipfos esse fu-
 tura munificentiae signa, ut monumentis TVIS nulla
 unquam allatura sit finem aetas. Ceterum huius TV-
 AE FELICITATIS imaginem, centum iam annis ante, uidi-
 dit, suo in imperio, itidem AVGVSTVS quidam, III.
 tum dictus, Saxoniae Dux, Postulatus a Cizensibus Ad-
 ministrator; quum uidelicet anno CIOIO CXXXVIII, si-
 militer homagium, ut TIBI a Martisburgenfibus nu-
 per istud dabatur, ipse tunc a Saxonibus Halensibus ac-
 ciperet; quale fidelitatis iuramentum eidem iam anno CIO
 IO CVIII, numero pariter OCTONARIO perquam ominoso,
 ciuium Cizensium praestiterant cohortes. Sed
 haec missa facio, tantummodo DEVM OPT. MAX.
 supplex precatus, ut, quem ad modum INVICTISSIMVS
 IMPERATOR ROMANO-GERMANICVS solus nomen
 SEMPER-AVGVSTI sibi uindicat, quod amplifica-
 re et augere Imperium Romanum, nomenque Germano-
 rum Ipsi maxime curae est cordique: ita SVM-
 MVM NVMEN TE, PATER PATRIAE IN-
 DVLGENTISSIME, talem amplius esse iubeat AV-
 GVSTVM, qui NOMEN et OMEN nullo non tempore,
 ubique locorum, gerat atque tueatur. His TRINIS
 FELICITATIS publicae, in DOMVM TVAM SERE-
 NISSIMAM, *praeterito nunc anno*, numero quidem OCTO-
 NARIO fatali, conspicuis, diuinitus datis documentis, ad-
 iungere plura profecto ualerem, ni enarrata iam peni-
 tus sufficere arbitrarer. Possem de NOVIS dicere TITVLIS,
 quos HANOVIENSIVM terrarum gratia, ceu novum FELI-
 CITATIS publicae testimonium, haud ita pridem susti-
 nuisti. Possem dicere de SERENISSIMI PRINCIPIS RE-
 GII, et ELECTORATVS HAEREDIS, FRIDERICI
 CHRISTIANI, prosperrimis in regiones Italicas iti-
 neribus, et saluberrimo Baiarum ibidem usu; Quem

C

qui-

quidem desideratissimum Patriae SPLENDOREM DEVS
mox reducem felicissimum reddat nobis, nobis, inquam,
cuius TVI Somnium fidelissimis; quorum, scio, quilibet,
ut SOL IPSE cum PHOSPHORO, TVA uidelicet
REGINAEQVE, Coniugis, ex Polonia reuerfione, Saxo-
nibus TVIS exoptatissime propediem redderis, haec
uota quam humillima mecum hucusque continuauit:
PHOSPHORE, *redde diem! quid gaudia nostra moraris?*

Cum SOL E adueniens, PHOSPHORE, redde diem.

Sed taceo, quod, si omnes FELICITATES, DOMVI
TVAE AVGVSTAE, per dictum annum, coelitus
collatas, allegare in praesentia uellem, nullum me in-
uenturum esse finem facile uererer, quin etiam uix cu-
iusquam mens aut cogitatio haec omnia capere posset.
Hoc tamen sine assentationis metu exclamare possum:
O DOMINVM AC REGEM FELICISSIMVM,
BEATISSIMVM, FLORENTISSIMVMQVE!
Cui DEVS tot nouas REGIONES, recens editam STIR-
PEM MASCVLAM, nouos AFFINES REGIOS, uno anno, be-
nignissime est largitus? In qua FELICITATE magnificen-
tissima neminem habes socium, totumque hoc, quan-
tumcunque est, quod certe maximum est, totum, in-
quam, est TVVM; Vt adeo uix ullius gentis, aetatis,
ordinis Principem inuenerimus, cuius felicitatem for-
tunae TVAE, AVGVSTE FELICISSIME, com-
paremus. Maeste igitur hac coeli indulgentia, quam
Praeses Imperiorum ac Custos, DEVS, et in posterum
propriam TIBI atque perpetuam praestet; quorsum
SVSPIRIA gentium, CLAMOR populi, omniumque ciui-
um fidelissimorum PRECES, tanquam in hoc unum col-
lectae, tendunt. Nulli quoque dubitamus, fore, ut
EXORABILE NVMEN tot uota publica, totque
preces ardentissimas, haud incassum ire permittat. Quum
enim IUSTITIA ET AEQVITATE, omnium SPLENDIDISSI-
MIS, secundum Imperatoris, TRAIANI, pronunciatum,

Regis

Regis optimi ORNAMENTIS BONISQUE, TIBI; nimirum
 audebo uel SOLIS dicere ac PROPRIIS, DEO OPT.
 MAX. indies magis fias similior: Hic SVI amatores
 uicissim amat, et tanta TIBI reddit animi corporisque
 munera coelitus, ut uirtutes pariter ac fortunas TVAS
 non solum nostris, sed pene omnium gentium literis at-
 que linguis celebrari et uideamus et audiamus. TAN-
 TI scilicet PRINCIPIS IVSTE, CLEMENTER, MANSVE-
 TE, SAPIENTERQUE facta, si quis modo uel audit, uel le-
 git, totus eum, absens quoque et nunquam uidens, timo-
 re diligit, amoreque ueneretur, necesse habet. Tantus
 est enim splendor in LAVDE VERA, tanta in ma-
 gnitudine animi et consilii dignitas, ut haec a uirtute
 donata, cetera a fortuna commodata uideantur. Quam
 felices itaque nos sumus, qui TE, PATER PATRI-
 AE INDVLGENTISSIME, praesentem intue-
 mur, cuius mentem, sensus, et os cernimus? Videmus
 autem TE superare AVGVSTVM felicitate dome-
 stica, FLAV. VESPASIANVM liberalitate in eruditos, TI-
 TVM uerenda maiestatis grauitate, TRAIANVM conti-
 nentia, HADRIANVM animi moderatione, ANTONI-
 NOS pietate, SEPT. SEVERVM elementia. Quis igitur
 TE FELICISSIMVM, LIBERALISSIMVM, HVMANO GENE-
 RI AMICISSIMVM, OPTIMVM, MODERATISSIMVM, PIEN-
 TISSIMVM, SAPIENTISSIMVMQUE PRINCIPEM nuncupa-
 re non uellet? Quapropter, si nos officiorum, pietatis,
 ac laudum, quas TIBI debemus omnium sacratissimas,
 recolere memoriam unquam intermitteremus, TVIS
 beneficiis longe maximis nos omnino indignos praebe-
 remus. Quid ergo impedit, quo minus TIBI, Roma-
 norum more, FELICITATIS TEMPLVM, literis
 saltem, ego, NVMINIS TVI quam humillimus cul-
 tor, statuere conar, cum hac inscriptione: FELICI-
 TAS REGIA EADEMQVE PVBLICA: Cuius
 quidem intuitu ciues TIBI obsequentissimi, pro FELI-
 CITATE TVA, TOTIVSQUE DOMVS TVAE

D

AV-

170 1870 FR X 300 5589

AVGVSTAE perpetua, ut debent, utque semper fecisse pergaudent, multo in posterum uehementius, multoque, credo, confidentius uota, mecum deuotissima nuncupabunt. Horum autem uotorum summa, etiam in *huius anni* principiis, eo communiter tendit, ut SVMMVS cunctarum rerum ARBITER, qui singulis FRIDERICIS et AVGVSTIS SAXONICIS imperium, ultra XXX et XXXX annos semper felicissimum, plane ac omnino concessit, similiter TE, REX POTENTISSIME, cum REGINA, Coniuge, MARIA IOSEPHA, PRINCIPE REGIO, ET ELECTORATVS HAEREDIS, FRIDERICO CHRISTIANO, TOTAQVE DOMO REGIA, per hunc, quem, auspiciis summe fortunatis, *hodierno die*, inchoamus, multosque sublequentes, ac, si rerum natura pateretur, aeternos annos, INCOLV MEMTECTVMQVE feruet; Vt floreas CAPVT FAMILIAE AVGVSTAE SACRATISSIMVM, ut ualeas TIBI AVGVSTVS olim MAXIMVS, ut uiuas nobis REX ac PATER PATRIAE INDVLGENTISSIMVS. Porro DEVS nunquam finat deesse unum ex TVIS, qui TVVM uel constantissime SOLVM occupet REGIO-ELECTORALE: Adhaec, ut prouisis Polonis Saxonibusque TVIS amplius paterna cura prouidere queas, praestantissimum TIBI perpetuo sanitatis praesidium largiatur, ac in posterum longe maiores, magnificentioresque OMNI DOMVI TVAE FELICITATES, si quae maiores fieri possunt, cunctorum quidem ciuium TVORVM commodo, beneuolentissime concedat. Sic quoque, me, NVMINI MAIESTATIQVE TVAE omnium deuotissimum seruum, a puero scilicet Dresdae, Misenaec, et hic Vittembergae Regiis TVIS beneficiis, quorum uenerationis, altis in animo defixae radicibus, sensum perpetuo testabor, studiorum gratia, quam cumulatissime sustentatum, certissima spes tenet ulterius, fore, ut, in tanta regionum TVARVM amplitudine, uel in minima oppidorum TVORVM Aede, cum coetu quodam sancto, pro SALVTE ac FELICITATE TVA SANCTISSIMA SACRATISSIMAQVE, preces ad DEVM funderet publicas, iussu TVO Regio, quem humillimus sacrarum rerum studiosus exopto, clementissime demum mihi concedatur. Ceterum omnibus, quae iam dicta sunt, uotis haec ultima, respondentia primis, solemniter addo: FELICITER! FELICITER! FELICITER! POTENTISSIMO SERENISSIMOQVE REGI POLONIARVM, ET ELECTORI SAXONIAE, DOMINO, ac PATRI PATRIAE NOSTRO BENIGNISSIMO, TOTIQVE DOMVI AVGVSTAE, PERPETVO FELICITER!

Vd
1870

TEMPLVM FELICITATIS
SERENISSIMO ATQVE POTENTISSIMO
PRINCIPI AC DOMINO

DOMINO
D E R I C O
G V S T O

REGI ET ELECTORI
AE ETC. ETC. ETC.

AE CLEMENTISSIMO

OB
PLVS TRINAS PVBLICAS
TERITO c15 b CCXXXVIII

I CAUSA PERQYAM OMINOSO
VIDENTIA PERCEPTAS

S ANNI KALENDIS IANVARIIS

STRVCTVM

QVE ACLAMATIONE

NSCRIPTVM

A
VM BENEFICIORVM ALVMNO

OMNIVM DEVOTISSIMO

MILLIMOQVE SERVO

ENDO FRITZSCHIO

FELDA - MISN. R. M. C.

A. O. R. c15 b CCXXXVIII.

IM GOTTLOB EICHSFELDII

EMIAE TYPOGRAPHI.

